

Lëtzebuerg, den 20/05/2020

**Här President,**

**Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Premierminister weiderzeleeden.**

A menger parlamentarescher Fro n°1822 wollt ech méi iwwert d'Ëmsetzung vun der EU-Direktive 2016/1148 wëssen, déi mam Gesetz vum 28te Mee 2019 zu Lëtzebuerg transposéiert gouf a bei der et iwwer d'Moossname fir d'Gewährleeschte vun engem héije gemeinsame Sécherheetsniveau vun Netz- an Informatiounssystemer an der EU geet.

An deem Zesammenhang wéilt ech dem Minister dës Froe stellen:

1. A senger Äntwert schreift de Premierminister:

"Den ILR huet am Total bis elo 44 OSE identifizéiert[...]. D'CSSF schätzt, dass manner wéi 10 Etablissementer ënnert deene vun hir festgehalene Critère wäerte falen an als OSE klasséiert wäerte ginn."

Wéi sinn d'Nimm vun de klassifizéierten OSEen?

2. D'Gesetz an d'Direktive gesinn nieft den OSEen och d'Klassifizéierung vu *Fournisseurs de services numériques (Digital Service Provider oder DSP)* vir.

Opgelëscht no de Punkten 16 bis 18 vum Artikel 2 vum Gesetz (dat sinn: Place de marché en ligne, Moteur de recherche en ligne, Service informatique en nuage), wéi vill Organisatioune sinn zu Lëtzebuerg als Services numérique klassifizéiert ginn?

3. Wéi sinn d'Nimm vun de klassifizéierten DSPen?

4. Op d'Fro vun den Auditten äntwert de Premierminister:

"Audittensinn am Kader vum Gesetz vum 28 Mee 2019 méiglech awer net zwéngend, sou dass den ILR elo direkt net geplangt huet fir Auditten ze maachen."

- Wei kann den ILR seng Aufgab ouni Auditten am Sënn vum Artikel 15 (3) vun der Direktive vollzéien ?
- Wéi vill Budget gouf dem ILR am Kontext vun der Direktive an dem Gesetz fir dës



Missioun zougesprach ?

- Sinn an deem Budget d'Ressourcë fir d'Realiséierung vun Auditte mat budgetéiert oder net?
  - Falls jo, wéi vill Sue goufen am Budget fir d'Auditte virgesinn a goufen eventuell scho gebraucht?
  - Falls nee, firwat net?

5. Wéi vill substantiell Incidenten goufe bis dato un d'CSSF & den IRL gemellt ?

Mat déiwem Respekt,



CLEMENT Sven  
Député





LE GOUVERNEMENT  
DU GRAND-DUCHÉ DE LUXEMBOURG  
Ministère d'État

Le Ministre des Communications  
et des Médias

Luxembourg, le 01 JUL. 2020

Personne en charge du dossier:  
Josiane MEYSENBURG  
☎ 247 - 86710

REÇU  
Par Alf Christian , 17:00, 01/07/2020

Monsieur le Ministre aux Relations  
avec le Parlement  
p.a. Service Central de Législation  
L-2338 Luxembourg

**Objet:** Réponse commune de Monsieur Xavier BETTEL, Ministre des Communications et des Médias et de Monsieur Pierre GRAMEGNA, Ministre des Finances à la question parlementaire n°2250 du 20 mai 2020 de Monsieur le Député Sven CLEMENT au sujet « Infrastructures critiques »

Monsieur le Ministre,

J'ai l'honneur de vous faire parvenir en annexe la réponse commune à la question parlementaire n° 2250 du 20 mai 2020 de Monsieur le Député Sven CLEMENT.

Veillez agréer, Monsieur le Ministre, l'expression de ma haute considération.

Le Ministre des Communications  
et des Médias

Xavier Bettel

1. *Wéi sinn d'Nimm vun de klassifizéierten OSEen ?:*

Aus Sécherheetsgrënn ginn d'Nimm vun den designéierten „Opérateurs de services essentiels“ net publizéiert.

2. *Wéivill Organisatioune sinn zu Lëtzebuerg als Services numérique klassifizéiert ginn? :*

D'Gesetz gesäit bei den „Fournisseurs de services numériques“ (op englesch Digital Service Provider - DSP) keng Prozedur vir, an iwwerléisst et den Autoritéiten (je no Type vu Service entweder den ILR oder d'CSSF) hir eege Prozedur, wéi se virgoe wëllen, festzeleeën. Aneschtens wéi bei den OSE, ginn d'DSPen net offiziell désignéiert. D'Autoritéiten sinn a Kontakt mat den Entitéiten déi vun dësen Dispositiounen betraff sinn.

3. *Wéi sinn d'Nimm vun de klassifizéierten DSPen?*

Och hei ginn d'Nimm net publizéiert, a wéi gesot ginn och keng DSPen klassifizéiert.

4.

- *Wei kann den ILR seng Aufgab ouni Auditten am Sënn vum Artikel 15 (3) vun der Direktive vollzéien?*
- *Wéi vill Budget gouf dem ILR am Kontext vun der Direktive an dem Gesetz fir dës Missioun zougesprach ?*
- *Sinn an deem Budget d'Ressourcë fir d'Realisierung vun Auditte mat budgetéiert oder net?*
- *Falls jo, wéi vill Sue goufen am Budget fir d'Auditte virgesinn a goufen eventuell scho gebraucht?*
- *Falls nee, firwat net?*

Fir d'Ëmsetzung vum Artikel 15 (3) vun der Direktiv sinn Auditen net zwéngend néideg. Auditen sinn och ëmmer just eng Momentopnam. Et geet drëm fir Sécherheetsmesuren ëmzesetzen, dëst mécht den ILR op eng kollaborativ Aart a Weis, andeems eng Plattform fir Risikoanalys (SERIMA – Security Risk Management) zur Verfügung gestalt gëtt, an Operateuren en continu kënnen un de Sécherheetsmesuren schaffen. D'Risikoanalys an d'Sécherheetsmesuren müssen regelméisseg dem ILR matgedeelt ginn. D'Plattform SERIMA gëtt an Zesummenaarbecht mat den Opérateuren ausgeschafft.

Den Artikel 00.8.41.015 aus dem Staatsbudget 2020 gesäit 1.010.000 € vir fir den ILR fir d'Ëmsetzung vum Gesetz vum 28 Mee 2019. Dëst Joer huet den ILR keng Audite geplanzt, deemno ass och kee Budget dofir virgesinn. Auditen kennen an enger zweeter Phase applizéiert ginn. Den Ament ass et virrangeg, fir kollaborativ mat den Opérateuren e gemeinsamen Sécherheetsniveau opzebauen (SERIMA Plattform).

5. *Wéi vill substantiell Incidenten goufe bis dato un d'CSSF & den IRL gemellt?*

Bis dato goufen weder dem ILR nach der CSSF Incidenten an dësem Kader gemellt.